



Inatsisartuni ilaasortaq,
Hr. Siverth K. Heilmann, Atassut
/MAANI

§ 37 naapertorlugu apeqquteqaammut nr. 219-imut umiatsiaaqqat pillugit akis-suteqaatit

Inatsisartut suleriaasissaanni § 37-mi imm. 1 malillugu umiatsiaaqqat pillugit apeqquteqaateqarputit. Apeqqutit uanga suliaasaqarfigisannit akineqartussanngorlugu inner-suunneqarpoq, uanninngaanniillu apeqqutit siulliit pingasut akineqarput. Sisamaat Naalakkersuisoq Vittus Qujaukitsoq-mit akineqarpoq:

1. Umiatsiaaqqat piniarnermi aalisarnermilu akuerisaasut pitsaasut ima amerliartortigaat, allaat angissutsimikkut pujortuleerannguit 21 fod-imik angissusillit anguneqarsimalerlutik. Taanna aalisakkanik pisassiisarnermi kinguneqartarpoq, Naalakkersuisuniit allannguiffigineqarnissaa pilersaarutigineqarnerluni?
2. Pujortuleeqqat 21 fod-imik angissusillit soorlu qaleralinniarnermi pisassinneqartarnerat ass. 26 fod-imut qaffanneqarnissaa allanngortinneqarsinnaanera Naalakkersuisuni takorloorneqarsinnaanerluni?

Akissut 1 aamma 2-mut): Umiatsiaaqqat angallatillu anginerusut akornanni killigitaq inatsisiliornikkut imatut aalajangersarneqarsimavoq tassalu umiatsiaaqqat takinerpaamik 6 meterinit takissuseqartussaallutik angallatillu tamarmik 6 meterinit takinerusut angallatinik taaneqartarlutik. Raajarniarnermi aqutsiveqarfinnilu Qeqertarsuup Tunuani, Uummannami aamma Upernavimmi qaleralinniarnermi taamaallaat angallatit 6 meterinit takinerusut pisassiissutinit pigisanit angallammit piginnittumit pigineqartunit pisassiissutinit tunineqartarput. Nunap immikkoortortaani allani kiisalu aalisarnermi allani angallatinut 6 meterinit takinerusunut aalisarsinnaanermut akuersissutinit tunniussisoqartarpoq. Angallatit taakku ataatsimoorussamik pisassiissutinit aalisartarput. Killigitaq taassuminnga allannguinnissamik Naalakkersuisut maannakkuugallartoq nutaanik pilersaaruteqanngillat. Naalakkersuisulli isumaliutigaat angallatit aalisariaatsinut assigiinngitsunut atorineqarsinnaasut atulernerisigut angallatit angissusaat killigitaq allanngortinneqarsinnaanissaat. Tamakku isumaliutersuutit Naalakkersuisut aalisarnermut inatsisissap suliarineqarnerani akuutinneqarnissaat naatsorsuutigaat.

3. Apeqqummi 1 aamma 2-imi allannguisinnaaneq naleqqussarnertut pitsaasut Naalakkersuisuni isigineqarnerluni? Aalisakkanut killilersugaanngitsunut atussallugu naleqquttut Naalakkersuisunit isigineqarnerluni aamma qaleralinniarnermi naleqqussarfigissallugu piffissanngunnginnerluni?

30-08-2016
Suliap normua 2016-13179
Allakkat nr. 3172173

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

3-mut akissut): Tamakkiisumik pisassiissutinik killiliisoqarnikuvoq umiatsiaararsorluni saarullinnik, qaleralinnik, nipisanik kiisalu kapisilinnik sinerissap qanittuani aalisarnermi. Taamaasilluni umiatsiaararsorluni aalisarneq pisassiissutitigut killiliivigineqarnikuvoq. Tamannarpiaq pissutigalugu Naalackersuisut maannakkorpiaq angallatinut killiliismanernit allannguissamut pilersaaruteqanngillat, apeqqummulli nr. 2-mut akissutip naggataa takujuk.

4. Umiatsiaaqqat 21 fod angullugit sinnilaarlugilluunniit angissusillit, takornariaqarneq siuarsarusoaqalugulu, soq aalisariutitaarniarneq assigalugu ESU aqutigalugu aningaasalersuisinnaaneq atorumaneqartillugu, Naalackersuisuni ammaffigineqanngila?

4-mut akissut): Takornariartitsinerup ineriartortinnissaanut tapiissutit pillugit Aningaasanut Inatsimmi konto 64.10.17 *"Nunami tunngaveqartumik inuutissarsiornermut takornariartitsinermullu ineriartortitsinissamut tapiissutit"*-ni tunngaveqartumik Naalackersuisut inuussutissarsiutit siuarsarnissaanut aaqqiissutaat aqutigalugu qinnuteqartoqarsinnaavoq. Aaqqiissutit makku piupput:

- Suliffeqarfiup aallartisarneranut atatillugu siunnersorneqarnermut kittartakkat atorneqarsinnaapput, koruunillu 25.000,- tikillugit tapiissutaasinnaapput,
- Tunisassiap ineriartortinnissaanut tapiissutinut tunngaviussapput namminer-sortutut inuussutissarsiornuluni suliniutit piffissami sivilunerusumi aningaasaqarnikkut sinneqartoormmik pilersitsinissamik siunertaqartut pineqarnerat. Tunisassiap ineriartortinnera aningaasartuutit uppersaatigisat 50 %-it tikillugit tapiiffigineqarsinnaapput, taamaattorli annertunerpaamik koruunit 300.000,- tikillugit,
- Avammut tunisineq koruunit 100.000,- tikillugit tapiiffiusinnaapput. Tapiissutit ilisimasalittut avammut tunisinerumut siunnersorneqarnermik ikiorserneqarnermut pilersaarinerumullu atorneqarsinnaapput – ambassadinit, avammut tunisinerumik siunnersuisartunit, niuerfeqatigiiffinnit, aamma namminersuutigalugu siunnersuisartunit,
- Kalaallit nerisassaataasa, sermip erngullu siursaavigineri akuersissuteqareernerup kingorna taarsiissutit 50 % tikillugit taperneqartarput. Taamaattorli annertunerpaamik tapiissutit 300.000,- koruuninik annertussusillit ikiorsiissutaasinnaapput,
- Takornariartitsinerumik siursaaneq akuersissuteqareernerup kingorna taarsiissutit 50 % tikillugit taperneqartarput. Annertunerpaamik tapiissutit 300.000,- koruuninik annertussusillit ikiorsiissutaasinnaapput.

Angallateeqqamut tapiissuteqartoqarsinnaassappat Imarsiornermut Aqutsisoqarfiup tamatumunnga piumasaqaataanut naleqqiullugu angallateeqqap p-mik akuersissummik pissarsinnaanera tamatumunnga tunngaviuvoq.

Inuussutissarsiummut tapiissutit Greenland Business'imit, aaqqiissutinik ataasiakkaanik ilitsersuinerumik ikiorsiissinnaasumit aqutarineqarput.

Inussiarnersumik inuulluaqqusillunga

Nikolaj Jeremiassen
Aalisarnermut, Piniarnermut Nunalerinermullu Naalakkersuisoq